

畫
舫

續
錄
投
贈

三
卷





由國家圖書館數位化、典藏

畫舫續錄投贈卷上

箇中生手編

換

板橋雜記偶錄投贈詩辭皆散見於軼事一卷西溪山人畫舫錄則另錄諸名士投贈詩辭為一卷余既仿余澹心記軼事凡詩辭因事題詠者皆附記於投贈諸作亦仿西溪另錄為此卷誠以一人之枯管不足為羣芳寫生而假手於巧匠也顧投贈詩辭最難搜羅或秋風起而團扇棄捐或舊雨疏而紗籠失護祇成過目因緣難復沿門募化然豐城龍劍終不久埋偶有遺亡異日終當傳世作者諒之

楓橋舟次留別琴香校書

歸真子

瞳矐初日透窗綃坐看梳頭點翠翹無可奈何仍話別不曾真箇已魂銷百壺清酒傾金罍一路靈風送畫橈行到臨歧重執手折楊歌斷古楓橋

別後卻寄

一絨芳訊託微波貽我瓊瑤報綺羅桃葉渡邊尋夢遠杏花開處得春多頻將舊約占靈鷲不放新愁上翠蛾芳草江南三月暮當歸重聽玉人歌

研花樓贈又蘭校書

壽潛

重訪桃源問水潭枇杷花下許停驂畫闌鸚鵡聲猶熟錦帳芙蓉夢亦諳用里上廳原第一青溪小妹又行三鬢絲老我風情減那禁纏綿往事談

雲翹去後見雲英天賦風流一種情梁燕偷窺前度客林鶯仍囀舊時聲素練易織
於同調蘭菊爭妍易得名長此小樓駐春色心香不斷記三生

精簾乍卷曉妝殘曼睩倚醉看豔質如花心澹冶柔情似水語辛酸越音初改
吳音脆瘦骨生成秀骨珊珊莫怨國香零落盡靈苗吐穎又舒丹

中呂紅繡鞋

題素月小影

蘭隱

幽蘭韻瘦冰蟬語小豔福誰脩桃花情味曾消受半晌凝眸 窺戶懶簾垂玉鈎調
箏閒曲度珠喉吟魂逗姮娥招手夢準到紅樓

贈汪校書素月

芳亭

碧紗睡起夢痕新著雨籠烟粉未勻若箇替卿留小影一枝花放海棠春

庚午長夏贈琴香女史

壺隱

看遍名花二十春雲煙過眼一番新至今誰是知音在流水高山識曲真
淵明索解無絃趣裊裊爐烟靜裏深默坐垂簾神領會始知指外有餘音
良宵酒綠與燈紅綠曲闌干面通通縱是揚州新夢覺為無聊賴又春風
丰神流逸意纏綿玉枕金樽玳瑁筵莫怪春深纔一見得能相見已前緣

訪綠雲樓主人時聞竹士歸自江右因訊韻篁西溪消息春春款實欲達誠素

余憐其情以慰之

杯湖

曲巷深深掩畫樓，銅荷紅瘦話同遊。美人遲暮禁傷別，小院低徊易感秋。芍藥歌殘猶訴雁，枇杷花落記停驂。春紅水暖歸帆穩，待取樽前慰病眸。

重過綠雲樓，悼髻脚校書時。小英甫將雛彩芝，病初愈相見黯然。

補竹生

茶蘼香徑叩重門，空憶前時軟語溫。狂蝶戀花愁細雨，啼鶯攪夢怕黃昏。碧雲隱約天無際，華月分明夢有痕。怪煞鸚哥猶喚客，那禁人到不銷魂。

疏影

重晤張素芳錄事於李氏水榭，翦燈命酒，情話達曙，請賦倚聲，用遣愁夢。余懷渺渺，拈贈此解，即題微月圖幅首詞，因墨果幸勿攔入東澤債中也。

蘭隱

絳河影瀉颺惺忪，紫雪香散囊麝斜。鞦韆瑤肩小，顛瓊釵闌干一曲紅。亞迷濛花露荷衣瘦，漸篩滿越羅衫衩等黃昏。喚醒寒簧聽訴玉簫離話，深悔相思錯鑄秦樓天樣遠。鳳背輕跨，只隔經年重覓雲英，依舊枇杷門罅，俊遊如夢銀缸底，疑再世韋郎緣。假指畫圖人月嬋娟，惆悵蘭香新嫁。

研花樓主人

洞僊歌

贈倩霞女史

潭漪弄影又路迷
蒼曲借叩靈扉
啟仙鑰
趁紅襟
乳燕歸去
斜陽肯替了
傳語畫屏
青雀
碧城春晝
夜猶記
初逢
八角新妝
侍兒學舊夢
暗雲牽錦瑟
人長惜
早是瓜
分碧玉
正良日
雙星證深盟
問天上人間
定誰知覺

贈春雲女史

瀛槎

洛川神女楚臺仙
任是名花也
避妍翠鬢籠烟
鬢蠶尾冰肌凝
顰膩龍涎風迴舞態
鳴環珮雲遏歌聲
媚管絃豈獨多情
白司馬月明停舫我猶憐
恰是崔徽寫舊真
卷中人即意
中人眼波瑩
趁迴風鷓眉影
青涵曲水蘋帶酒更添
紅粉豔整衣初試碧羅新
吾家傳得求凰調
好倩絲桐覓宿因

題白桃花畫冊為織雲作

漪亭

暮春水濱萼含一枝
婷婷無言盼影而笑
怨東風兮不嫁
擎杜若兮相將獨
有名殊絳樹
目成碧玉
意在眉蘭
情入鬢磧
雪爭豔
儷梅夫妍訪同
阮肇之蹤
兪共劉剛之侶
津已問而仍迷
門再經而忽杳
人來霧裏便道飛仙
洞閉春前有如流水
三生若影一樹漂
香握椒丰是謔
言挂玉無非隱
語楊枝柳枝之曲
桃根桃葉之歌
非寄情於白頭
聊比詞於白雪
用繫短篇
略摭芳昨夜東風拂玉塘
一枝和月放銀牀
豔魂銷盡空流水
前度沉吟到夕陽
應為紅顏

多薄命故將素面試新妝
息夫人是前身影折取梨花未許芳
玉質應非露并栽無言合傍粉牆開
不甘麗俗同凡豔別有韶華絕點埃
洞口白雲常自護岸旁銀浪欲成堆
笑他漁父朦朧眼錯認枝頭賸落梅
三株檀豔記華林十丈紅塵不許侵
沙柳共搖春景澹竹籬含笑月痕深
欲隨虢國邀殊春好與汪倫證素心
扇底繁華銷歇盡惱人飛絮撲衣襟

一般灼灼淡於秋玉洞分枝孰與儔
畫洗鉛華自春色即牽魂夢亦風流
劉郎此度非青鬢崔護重來已白頭
縱使落英隨水去沿溪不引武陵舟

前題

麗農

瑤房靜鎖春鶯夢露葉烟枝碧無縫
美人花底吹紫笙可憐一片銀雲凍
幾度看花未開漫勞走馬繞章臺
春江一夕綠波漲打槳迎將桃葉來

前題

竺君

雪樣肌膚玉樣人二分流水替傳神
鷗波心裏迎雙槳樊素春風認後身
天台界斷是雲鄉綽約渾蓬編素妝
欲研濤箋摹粉本白描好手倩檀郎

憶舊遊琴趣

題白桃花畫冊為織雲作

履齋

記相逢灼灼柳暗潭深一片春風
不要施脂粉任生來素面占壓芳叢
非紅愛洗絲

雨宜避夕陽烘漸月上銀牆烟迷露井到眼朦朧
匆匆帶人處又槿弟攀兄掩映
西東試返天台路悵峰迴苔密徑雜雲封淡妝縱異濃豔留色總成空且折得繁枝
崔徽玉貌圖卷中

渡江雲

前題

松屋

舊遊曾記得仙源路轉兩樹碧桃新愛冰姿澹絕風韻嫣然不染世間塵無言半晌
把心情寄與東君怕彈上絲絲紅淚化作斷腸春紛紛梨花舞雪柳絮飄綿又頻
催風信空自結粉愁香怨好事因循思量人面原如昨怎禁他兩地銷魂花上月為
誰留照黃昏

題查花農翠竹圖

圖為姚小筠作

夢白

雕龍才子騎鯨客一路鶯花送行色醉買東南十萬春雙鬟唱遍旗亭壁喝來打漿
渡吳江細草迎人月亦香紅粉雨行鷺避面萬花叢裏見姚黃館娃宮畔脩篁綠
陰深處魚鱗屋愛把琅玕作小名結束新裝年十六玲瓏藕節嵌空明慧舌新調葉
底鶯江上芙蓉含曉日將開未開如有情眉彎山遠天然畫倦眼斜看神欲化鴨篆
空將心字燒蠶眠不斷愁絲掛細雨春潮半上時相逢花下恨偏遲車馬如雲人似
水淡中滋味兩心知沉沉蓮漏燈垂粟銀箏低按纖纖玉烟花海裏恨千重小語知

音彈一曲曲終簾捲月如霜無可為情刺史腸紅豆量來愁百斛密題錦字付鴛鴦
鴛鴦暢好花深處杜宇聲聲叫歸去繞遍庭前碧萬竿拋成一夜湘妃淚夢醒天涯
喚奈何山程水驛酒中過離懷春水深如許人面秋山瘦不多夫差石上重回首相
思此日相知否傾城名士總無端一時妬殺丹青手涼雲殘月黯黃昏幾筆蕭疏淡
墨痕寫到行行都是恨分來節節欲銷魂樊川舊夢橫塘北重香客裡披牙軸為君
翻作別離詞瀟瀟暮雨歌黃竹

一斛珠

重題翠竹圖

麁麁涼意濛濛細雨琅玕翠陰陰小坐深深倚個個難分喚作人人字 遮遮密密
留人住惜惜私語層層記行行點點斑斑淚寸寸相思節節肝腸碎

照黛閣卽事題贈也蘭

麗農

葉底黃鸝弄雨時絳人唯有綠楊枝一簾絮影輕於雪飛上歌衫總不知
鏡閣西邊擁翠巒仙雲近接曲闌干眉圖怪得新如許天與名山壓黛寒
龍香古調似瑩篴訴盡冷泠謝女愁月細風尖留不得座中醉煞白江州
三槓街鼓莫相催林月披風儘費才腸斷江南無好句教人錯認賀方回

贈慈蘭四首

庚午仲夏客遊邗上旗亭支月畫舫除春取次花叢盡歸延覽惟吳門慈蘭
女史風雅宜人時發快論適者過從較數屢索余詩爰賦四章用酬知愛云
踏遍瓊瑤覓醉鄉蓬萊咫尺路微茫素娥耐冷留清影青女傷春怕豔妝濃翠滴時
敲玉珮涼風迴處戛珠璫劉郎未入天台夢也愛氤氳透骨香

爪無微跡玉無痕一縷輕烟隔水邗花菜睡酣蝴蝶夢箏聲淒斷杜鵑魂雲英幾世
臨凡籍張碩全身是慧根借問章臺青鳥使夜吟誰解伴黃昏

悵望東風二月天泥人春色影娟娟鄂君被冷難禁瘦弄玉簫寒劇可憐芳草戀香
猶旖旎幽蘭得佩始成全文君既省琴中趣可愛臨邛賦一篇

纖纖楊柳太輕柔瘦倚東風燕子樓曉慢却憐山到眼晚窗轉怕月當頭玉絃撥動
相思淚珊管題成錦字愁會得詞人多少意惜芳寧止愛風流

選夢樓贈浣芳校書

寶蓮

不是仙禪不是儒萬花堆夢影模糊誰知柳外雛鶯轉轉勝牟尼一串珠

懷也蘭

心蘭生

悵望樓頭日又曛苦吟何處寄迴文關心人隔愁千丈顧影秋來瘦幾分真箇情深
能似水倘教夢去定為雲畫欄曲到銷魂處昨夜分明倚半醺

十索歌代也蘭作

盈盈三五年縷縷春初透學繡雙鴛鴦香囊致扣扣嬌羞不自由從郎索豆蔻春意
到眉尖春山鎖濃翠春情不自持捧心學嬌態深淺泥郎描從郎索螺黛宛轉綰同
心有約期歡會鬱結不能寬相思苦無奈瘦減舊腰圍從郎索羅帶心願未能諧金
錢卜春夜含情勸早歸紅淚如珠下低首怕郎知從郎索羅帕沉醉泥郎扶况更因
春倦香澤透羅襦殘妝卸金釧羞澀怕郎看從郎索紈扇雙照合歡衾紗窗月深映
別來光又圓消息無憑証明月有時虧從郎索明鏡寶鏡閉菱花怕見雙蛾皺郎來
強自持道是傷春瘦諱說病相思從郎索紅豆紅豆訴相思寄妾詩多少豈因傷妾
心音信今又杳果否不相忘從郎索新稿春來強自持蕩樣心如石爛滄海枯恩
情只如此何以致區區從郎索約指烟花夢不長金石心如故相送銷魂橋却悟回
頭路貧賤誓相從從郎索荆布

洞仙歌

照黛閣本事

似痴似醉恨迷津無畔那得裴航度平岸怎情深一往片刻相依猶自可幾度花開
低喚平地風波捲一雨滂沱門巷深深路人斷笑我太真誠便爾褰裳更不用鵲
填河漢想高唐雲雨境迷離差勝却當年夢中相見

秋波一翦翦得儂魂斷斜注星眸怕重看奈情深無限只管憨憨泥儂坐添得幾多

恩怨 說到歸難緩坐過黃昏無計留儂酒深勸知道醉朦朧故弄琵琶却彈到二更盡轉感殷勤欲去更遲遲便一刻相依千金難換

小桃花好向茜紗窗畔一夢匆匆愜心願怎天台到了却又翦花風忽緊翦得香魂零亂 縱使輕相怨未必無緣此後相思不相見何況兩情濃雨慙風偏那許把鴛鴦打散只愁伊便得證前盟恐說到今宵儘多傷感

芳蘭竟體便不曾真箇宛轉能教寸腸斷况春風幾度怎戀着芙蓉帳暖輕了三生宿願 曲曲闌干畔斜抱瑤琴操出雙聲露心願只要兩心堅地久天長渾不怕海枯石爛誓今生終不負香盟看飛絮飛花任他聚散

國香

選夢樓為靜蘭校書寫蘭作照率題其冊

竹士

絕代花王任風淒雨冷獨抱幽芳結根本鄰屈宋小字流香不是天生命薄怎無端零落江鄉相逢奈憔悴春困懨懨怯背斜陽 誰憐空谷意對尋常蕭艾轉惹情傷孤高如此只應夢穩瀟湘剩有美人解事寫仙姿並寫愁腸同心倘容佩願做瑤琴替訴淒涼

蝶榭外史招飲同人即席同用憐字韻咏護花鳥贈樓素娟校書

天眉

誰訴痴魂到耳邊分明生小住情天夢中么鳳何無語影外雙鴛轉可憐憔悴祇因紅墮雨辛勤還怕翠迷烟饒他杜牧關心甚聽得聲聲總惘然

貯香閣贈疏琴

娛谷

洗盡鉛華意態真最無言處暗傷神圓圓小字空前輩楚楚清才壓後塵慧業定參冰雪卷芳脩早結蕙蘭因步虛舊夢應猶記謫向紅塵廿二春
怕捲銀鈎懶拾鈿問名輕按七絃嬌於楊柳姿偏逸瘦到梅花韻更妍才子遣愁憑擊鉢佳人寫恨細裁箋笙歌隊裏芳心澹一度春風又隔年
姍姍瓊珮訝來遲如許閑愁只自知大白快浮簾外月么紅偷譜壁間詞羅裙貼地應難執翠袖迴風若不支寄語蝶蜂休逐隊此花原在最高枝
鸚鵡簾櫳畫掩關黛眉新寫月彎環相逢茶熟香溫後靜到蘭言竹笑間逸致如卿推獨擅前緣似我未全慳他年鴛牒重教續合把新詩付阿蠻

西江道中寄素春閣次韻篁韻

竹士

漂泊慵裁記事詩痴情忽觸笑難持柔魂易斷偏輕別冷語無多恰耐思屈指前塵愁夢遠關心後約怪春遲難忘酒醒西樓夜花氣吹烟細若絲

惜花詞八首

僕視酒為鄉避花減罪逢人而吹簫擊筑善作秦聲訪客於賣漿屠牛羞談

越豔芟夷紅豆不管枝枯愛惜青衫肯教淚澆然而點綴手風雲月露喜填
碧玉之詞於是勘合乎兒女英雄閒倚綠熊之席吳門春老吹鈿管於楓林
楚水秋深聽檀槽於雀舫卧芙蓉之弱影香動番江擷芍藥之芳華韻涵章
浦而且蘇娘林畔帝子樓頭驚鐵匣之龍鳴女弟子兼工舞劍窺錦囊之鳳
集文學士素號能詩續髮為羅絲神欲化摩戔作畫花樣真新未免有情敢
云無意獨是蓮生火裏原離色相之天究屬絮落泥中空作繁華之夢蠶有
絲死終自縛難返仙曹鏡無光塵易相蒙竟歸厠卒為設身而處地當痛哭
而長歌自笑綺語不除人道深情若揭熱腸冷面喝棒何如玉醒珠埋拈花
其悟寄與紅蕉館內輭旗不借人歌焚向黃土墳頭秋雨定聞鬼唱

瑤簪寶墨舊留盟楚榷重回了一生省得歡娛花有主聽來消息雨無情石堅自可
投金井簧冷何妨奚玉笙此意未經深會得悞人豈獨是虛名

天涯芳草怨東風暮雨朝雲憶楚宮寶劍拂燈花共碧茜衫照水月初紅如何駁骨
依凡馬孤負深心託斷鴻十斛珠能移舊約用情原是季倫工

畫堂同展錦氍毹五尺明霞照眼酥帳底春留元蛤滿鏡中人怯遠山孤恨芽難茁
無根草情雨誰收不夜珠珍重塞鴻書一紙相思雨字淚模糊

綠含瓜子瘦堪憐豔想繁因一例捐夢到酣甜原易醒花遭磨折不成仙靈槎懶待

桃根渡錦帳休題柳絮緣今日為人無別望早除業障早生天
斜陽深巷好停車着地簾櫳別樣疏偷眼夢中花乍醒銷魂風外柳纔梳無香不敢
燒心字畫腕難辭刻意書何似隔枝雙翼好琴樽簫管碧牕虛
琵琶膩膩響高樓紅袖青衫酒一甌寶藥豔迷千佛笑仙雲輕逗半鬟羞飄零琴劍
真知已慷慨弓刀未許傳情到濃時翻覺澹落花休怨水西流

雪霽過盟月榭賦贈

蘭隱

雙瓶活火試團茶踏凍來尋碧玉家剝啄無聲門小閉夕陽紅上枇杷花
一幃銷寒九九圖晚妝纔罷愛調朱梅花便有神仙骨耐得清寒住玉壺

眉痕感損月稜彎話到清游便破顏可惜李成好圖畫不曾攜酒去看山

時有西山
泛雪之約

因事
未果

玉妃月姊鬥瓊姿今夜銀盤出海遲十二樓臺三萬戶最高寒處最相思

題浣芳畫蘭

寶蓮

偶寫離騷一兩行便思隨筆畫瀟湘憐他百種沿江草不及幽蘭一箭香

雜憶詩

歸真子

楊柳高樓雙闔扉夜深燈火玉人歸莊生老去成蝴蝶恣向春光好處飛

相霞曲

贈雙桂堂女史

箇中生

楚天雲雨常羞澀神女幡然怨辭筆誤識多情宋大夫高唐瑣事傳篇什高唐夢寐
本虛誣暮爽朝靈不受汙散作湘江霞萬縷光明皎潔破迂愚湘霞色相偏姿媚湘
霞意態無虛偽飄渺頻添水鏡容昭回并作銀潢瑞青陽素嶺安妃車碧水明沙帝
女家屈子浮游賈生鬱聯星合璧屬湘霞湘霞從此清清戒湘霞精漸沾情累擬向
蓮臺乞化身區區償盡愁城債愁城宿債不勝償翰墨鎔柔鐵石腸幼婦詞華誇夙
世夫人筆陣况專場詞華筆陣人人羨大地行將種愁偏遙夜梭同織女投終朝石
侍媧皇鍊吳兒洲渚自神仙避劫無端屢謫遷塵襟借濯匡廬瀑霧鬢先侵彭蠡烟
阿儂悔作洪都客曾溯清相弔冤魄楓冷空章暮雨辭月明閒煞湘靈瑟蓬飄萍泊
無心遇苦海千歧偶同渡順水常迷撒手厓慧光易覓回頭路章江南下水雲深楚
岫巫峰旦暮顰斑染綠雲添別淚虹垂碧落逐飛輪文章自古遭讒毀投筆班宗鑿
及此寧居空谷暫牽蘿莫散餘霞再成綺

聞黃月舟已歸瑯琊仙吏詩以寄賀

情盡橋頭野照黃紅鸚傳語慰迴腸羨他婉孌章臺柳長伴瑯琊大道王空谷舊人
仍絕代橫塘生小願同鄉即今咫尺仙凡隔持謝隣家姊妹行

月明夜夜弔明妃且喜紅絲閣歲歸駐景雲容誇絳雪渡江桃葉託烏衣胡笳十八
鷗絃促弱水三千鶴信稀為問碧山吟社裏幾人聽解小郎圍

誠知惆悵累清狂，薄宦難傾助。嫁囊網得珊枝，判別贈壓來金線。為誰忙，玲瓏玉鏡，澄雙照，清淺銀河映。七襄儂是檀奴座，中客不教枯管賦，催妝曾經略，分勸加餐共識。天涯行路難，廿四番風花耐。劫十三年夢蝶，初安幽閒暇日。青綾薄準折，從前羃幕寒。愧我有心，灰未冷，尺書鄭重賀新歡。

友人以醇酒美色二詩見示，即次原韻。

蓮水

山禽也解喚提壺，何惜金貂取次沽。客滿倍教春色貴，杯空便覺月明孤。喜逢卓女新開甕，愁憶黃公舊有爐。最是詩人稱快處，旗亭歌罷雪模糊。傾城原不倚紅粧，一遇夷光舉國狂。高士閒情曾作賦，英雄末路亦分香。地當吳苑春宵短，人到巫山曉夢長。我本柳花江上客，肯將往事諱蕭郎。

貯春閣即事

蘋洲

拍遍旗亭幼婦辭，一回低媚一相思。當窗人影憑來瘦，浣袖香痕浣去遲。倦繡鴛鴦溫舊夢，閒教鸚鵡誦新詩。眉深眉淺纏綿意，只有才人妙筆知。漏箭聲沉夜晏闌，棗花簾外月初殘。座逢妒眼生嗔易，話到關心制淚難。歡子新翻閒獨按，秘辛偷錄喜同看。持來半臂拋眉語，也不容人自忍寒。

前題次韻

春亭

幾闋紅情絕妙辭，行波牋紙寫相思。劇憐醉影花同瘦，悄擁寒衾夢到遲。有約慵攜

金谷酒無聊愛誦玉谿詩靈犀一點深深護鸚鵡聰明也不知
弄罷瑤琴倚徧闌瑣窗風雨一燈殘夢因別久銷魂易詩為情多下筆難滿鏡春山
誰替畫半簾明月記同看四愁心緒三生事寫向雲箋墨意寒

綠雲樓為髻卿題壁上立幅美人

師竹

金鈴不語絲絲墮春風吹空江南樹江南百萬落花魂化作美人入絹素簾櫳深鎖
珍珠圓流蘇曲繞雲屏護不堪草綠到天涯謫來乃覺傷遲暮青琴碧玉嫁未嫁舊
時伴侶何時晤回首瑤臺路八千銀牆隱約遮紅霧脉脉芳心卿莫訴從前錯被春
風悞

即席贈素芳校書

歡是可憐蟲儂是相思樹憶歡歡不來秋心渺毫素
卅六紫鴛鴦雙雙繡洞房停針黯無語江上有紅芳

洞仙歌

題琴香小影

歸真子

春光晚晚幸仙源有路尋到桃花最深處恁月明風細崔護重來論今夕始算銷魂
初度畫中人窈窕織室遙望知道銀河幾時渡佳麗滿吳都毗豸嬋娟纔值得文
園一賦任寄與朝雲夢中書又何似妝臺親題交付

聞許小瓊消息戲集疑雨集句簡秋皋

杯湖

一年消受幾回眸只願蓮生是並頭無限斷腸蹤跡處淺嘗滋味透嘗愁
掃眉才子更無卿巨測風濤有變更一說語成三日去枉將偷嫁占虛名
一回經眼一回妍向後思量盡可憐淚點寄來悲灼灼困人風日嫁人天
更怕郎愁不遣知尊前原未露微詞鴛鴦守定雙飛願但許重來不恨遲

並蒂蓮詩和韻

西原

蓮花世界本風流形影何須鏡裏求絕似佳人來合浦却疑仙侶忽同舟魚貪比目
窺波面柳綰同心映陌頭擬選荷錢十萬箇買他歡笑遣他愁
是誰結就喜歡緣不屑名流斂聘錢密約似曾盟白水高情直欲指青天偶勞翡翠
尋香夢可妬鴛鴦傍影眠聽說小姑常獨處招涼休向晚風前
浪花宛轉織迴文百和香來暖不分君子交情原似水美人幻夢偶為雲何消姊妹
纔知己直恐神仙也妬君錦瑟旁邊堪一卧碧筒滿飲醉斜曛
同出鮫宮靚晚粧生來竟體有餘芳東西魚戲頻迴顧深淺霞烘共斷腸思愛那知
風露冷溫柔即在水雲鄉轉憐一種懷人淚枉滴空堦託海棠
色太嬌柔意太癡凌波舞不避嫌疑了無離恨秋難問偶結幽歡鳥不知雨覆雲翻
終有託風清月白倍相思誰將十萬金鈴繫屬付花神好護持

瑤池飛下兩嬋娟，不怯輕風不隔煙。分影最宜波鏡靜，合歡那用藕絲牽。香生羅襪難尋跡，露冷花房尚並肩。我欲移他依玉井，亭亭高映五雲邊。

贈高漱月

娛谷

舊時門巷種桃花，自熨香籠自瀹茶。看到梁間新燕子，觸人愁緒掩窗紗。飛鷗促醉合當壚，低唱新詩倚碧梧。記得秦樓吹月去，千般孌娜似卿無。蕉心捲雨月堪憐，一度春風一點然。繡罷鴛鴦悄無語，豔他比翼戲田田。看花扶病竹間迎，愁黛偷描怕不成。我若安排卿位置，置筆牀茶灶讀書檠。

吳門為映華書扇

歸真子

不見花姑今四年，人傳紫玉已成烟。珊珊環珮重相見，似續韋皋再世緣。沙棠之檝木蘭船，有客尋芳更覓緣。看到桃花三月閨，無邊春色是今年。西小高樓大道旁，曲中謾姐是名倡。牆頭馬上重相見，招手斑驩喚陸郎。

擬懊惱曲

為郁芬館作

箇中生

曉霞墮鏡香霧濃，冰輪湧出紅芙蓉。水晶蕩漾橫波慵，一簾秋影涵眉峰。掠雲整月更沃雪，寒簧助妝費顏色。玉杵碎搗補天石，絳雨逗點媧皇泣。吉光瑩瑩拂翠蛾，素馨微倖貼鬢窩。亭亭削玉厭綺羅，辟塵遠院珊瑚柯。防微咫尺闌銀河，心期祇託紅鸚哥。芻尼填橋容易過，簸箕挹斗空蹉跎。蹉跎冷透雲英漿，蟾蜍獨夜偷元霜。金樞

易缺愁吳剛虛圓二八銷精光罡風盤盤鶴書返守宮枉死啣劉阮消渴求凰太迂
遠禿鷓野鴨雙棲穩

再擬懊惱曲

碧寮閣月窺團圓菱花愁對白玉盤墮馬無力蟠龍寬綠雲束出青琅玕溫泉滿貯
芙蓉涵姮娥欲墮心不甘金盆故故投銀蟾濯澈真真態流露柳眠乍醒海棠悟從
知繪事後於素崇朝總被鉛華悞遺脂散成三里霧只愁劉阮重迷路燈花無聲玉
局閒望夫羞上三神山東南缺陷坤道慳精衛啣恨沙泥殷擬借高堂慰文鳳可奈
靈犀本無夢弱水潺湲不成凍絨情入芥還嫌重鬣梁鼈足曾何用天河闌戶翠袖
涼小星三五長韜光來宵生魄夜未央駐顏珍重脩神方

柳絮四首為小瓊作

好向慈雲乞後身莫教愁殺過江人隨風終踐團團約點水未成浩蕩春蘇小門闌
藏不住謝家庭院見來頻分無燭照香薰福姚魏雖尊未耐貧

隨在關情到處宜芳心常與世推移弱難擇地非留戀色不撩人闕護持谷口綠雲
遮絕代江干紅豆泥相思千嬌百媚愁風日偏剩區區潔白姿

幾番風信悞前盟離恨天中了一生卓女白頭吟更苦韋郎撲面句難成歌殘金縷
情何限俠遇黃衫怨亦平十里深紅旋結子花開花落太分明

玉笛殷勤隔巷吹，慢天席地總情癡。年年青眼空臨鏡，冉冉紅塵轉借枝。乍許兒童頻捉弄，未甘蜂蝶漫瑕疵。阿誰寫得飄零影，一任殘魂入硯池。

題樓素娟校書影梅圖

蝶翅

同是天台謫後身，衆香國裏墮紅塵。憑將杜牧三分月，占盡蘇臺第一春。洛水還珠思往事，漢皋解佩認前身。因亭亭素影，誰為伴尋向羅敷夢亦真。

贈謝霞仙校書

竹士

春陰門巷養花天，重扣雙環已隔年。籍甚詩名推道韞，本來寒女是神仙。藥方怕試從教病，蘭氣吹來欲化烟。玉骨劇憐無一把，為誰消瘦為誰妍。

繡書讀畫兩相忘，許我深談就榻旁。每以微詞憎落拓，漫傳隱語教思量。酒添薄暈偏羞鏡，衣怯新薰不耐香。癡絕啾娘閑問訊，今宵涼是昨宵涼。

日高猶是未梳頭，惜別傷春不自由。神女夢沉雲雨峽，絳仙眉畫芋蘿秋。教成鸚鵡翻嫌慧脩到，鴛鴦那慣愁怕鄉親。蘇小是略提心事，淚橫流。

金莖渴解相如無，小影誰偷上畫圖。我見猶憐徵郡主，別來無恙祝檀奴。他時執贄應雙笑，舊約浮家去五湖。莫把閒情猜宋玉，有人早結網珊瑚。

畫舫續錄投贈中卷

山塘口占

水膩山香不染塵，柳眠桃醉可勝春。
船窗栩栩雙蝴蝶，恐是莊生夢裏人。

寶蓮

贈秋琴校書

韻蘭生

清幽庭院掩瓊扉，紫燕窺人故故飛。
曾憶枇杷門內見，落紅如雨撲羅衣。
瓜字年華未解愁，蝦鬚鎮日靜銀鈎。
更憶一窗紅杏開菱花鏡，小看梳頭
十三絃澀夜無痕，露冷瑤階安夕櫺。
又憶雪獅親捏罷，玉纖如水泥人溫。

聽周篠玉彈琴

亞伶

入門悄無迹，但聞太古音。
彈者出誰手，言有周姬琴。
周姬素映麗，芳聲傳藝林。
一彈蕩塵垢，再彈清幽襟。
繁絃兼急管，淵淵如振金。
落霞舞未歇，魚雁為之沉。
况復擅謳唱，宛轉同春禽。
三終畫梁繞，激昂起高吟。
公瑾爾之祖，千曲為最深。
當筵一顧誤，遏雲証錦心。

哭髻華四首

師竹

散罷天花撒手，行人間何福可消。
卿廿年蘅寤春無影，一夜瓊簫月有聲。
紅粉那能容傲骨，白頭反恐誤傾城。
獨憐憔悴西風客，腸斷高樓倚暮晴。

誰是風流杜牧之，累卿抵死苦相思。
燒殘綠蠟雙行淚，緘就紅雲一紙詩。
病中屢以書來并有

斷腸人比斷芳草多情邀玉埒落花扶病勸瓊卮不禁細雨催更漏斜倚雲屏絮語
痴

盼斷秋風夢正醒文章無路叩蒼冥重來詞客衣空白到死蛾眉眼尚青生小鴛鴦
憐旖旎分飛蝴蝶奈伶俜懊儂漫唱簾前曲嗚咽聲聲不忍聽

桐棺三尺掩芳埃斷送殘春酒一杯天地有愁無可寄死生唯恨不能厭賸羸名士
黃墟哭却算青蓮火宅開此去泉臺休悵個人間飄泊更堪哀

露華

贈女郎柔珠

天眉

試妝丰面恰容剛十五月正初三愁還未解趁風學步珊珊理曲錯教花舞引歌喉
過向雲邊周郎遠招來度譜字字生憐柳樣腰肢嬌小訝賭勝金蕉無籍春眠誰
能買笑碧桃勸醉瓊仙投我一枝蘭蕊妥依香吹夢俱甜羅幕卷秋清却如廣寒

祝英臺近

贈張蘭仙

酒輕量愁細味吟遍楚騷句撥盡嬌雲空谷澹如許況它臨水盈盈抱香無語銷受
此一簾青雨韋孃誤誰堪解佩湘皋同說夢情苦露冷秋清心素結情思幾回尋
向樓居便忘歸去還不算見時遲暮

集唐句戲成二律贈小英校書

每到花前免獨遊

張籍

浮名薄宦總悠悠

貫休

劉伶避世猶耽隱

韓莊

秦女窺人不解羞

常共酒杯為伴侶

白居易

曾將詩句結風流

白居易

倒樽盡日忘歸處

喬任

一簇笙歌在水樓

郭曹

時節雖和春已闌

劉商

神仙愁怕水晶寒

陸櫛

壺中日月將焉用
枉鏡裏雪山且共看

晚葉尚開紅躑躅

白居易

曉風交戛玉琅玕

賈島

新齋結誓如相許
十斛明珠亦易拚

司空圖

題崔小鶯故整金鈿圖即以贈別

璞軒

桐風颯颯嫩涼生
綺閣衰哀嬾抱箏
雙藕盤將雲髻穩
菱花仔細照釵橫

小字真珠捲畫簾
曉妝掠髮露纖纖
當年佳話卿堪比
整得金釵玉指拈

香山素口與蠻腰
一種風流未易描
似此多情偏欲別
絲絲秋柳感河橋

前題

退甫

絕代真珠有替人
借將往事為傳神
縱然心作沾泥絮
也道花顏迥出塵

夢入巫山鬢脚鬆
醒來奩啟鏡芙蓉
梧桐閣下凝思久
似怕離愁減玉容

金釵巧樣補雲鬟
整處還勞玉臂彎
不負芳名鶯嚶嚶
珠唾一串壓仙班

茗椀爐香位置宜
勾留情話輒移時
無端門外驪歌起
愁煞風流杜牧之

贈映華校書

荅甫

墮馬雲鬟撲鬢蟬嬌軀媚骨舞蹁躑何須更說橫陳夜一曲琵琶絕可憐
欲別依依把袂行合歡花瓣締卿卿春來指點桃花水比似殷勤送我情

贈陳校書疏琴

約齋

芳塵消歇已三秋隔斷藍橋悵阻修綠綺傳情空倚檻青銅寫影獨登樓泥他鸚鵡
調新曲繡到鴛鴦觸舊愁姊妹花枝零落盡狀頭聲價更誰傳
香巢喜借一枝遶回首秋風亦黯然大白快浮新酒政小紅低唱舊詩篇桃花扇底
心情熟翡翠屏間目語傳未必牧之難領畧奈他標格太娟妍
何時仍上木蘭橈脈脈春心未易描酒地天才子筆青山綠水美人簫漫教裙屐
留陳迹尚有琴樽夢昨宵笑我司香空有願惜無金屋可藏嬌

前題

秋臯

薄遊吳苑惜芬芳合浦明珠返夜光前度紅塵憐小謫重來朱箔理新妝翻成曲本
心多慧話到關情恨轉長我亦中年感絲竹樽前愁對杜韋娘

江城子

題扇贈映華

海庵

阻風中酒客西冷感飄零似浮萍白鷺飛來何意慕娉婷一朶芙蓉開未過江上見

欲銷魂 夕陽山映淡霞晴帶春醒待誰醒疎雨芭蕉點滴太分明惆悵孤山山外
路樓一角隔重城

題梅庵居士江城子詞後卽同其調四闋

口塵客

玲瓏風月數芳名掌中學畫中行一曲琵琶吹散玉玳瑁見說香閨塵夢窄嗔阿母
罷調鸚 芙蓉城角駐瑤英懶逢迎托餘醒點綴湖塘殘局太淒清可惜蕙花秋草
裏埋沒煞恁聰明

龍華會上情知旣伴專城擁雙旌惜貌憐才閒處得真評別後相思頻問訊無恙否
許飛瓊 一般聲價品題榮五花駢五侯鯖誰識蘇州刺史別鍾情借得崔徽圖畫
看元口感嘯春鶯

口花入手擘新橙絕未纓墮釵橫幾度相逢心迹隔蓬瀛比似海棠西蜀產空見慣
但緣輕 裁雲散水句誰成乍心傾替腸管轉悔年時着眼未分明紅豆拋殘人去
後詩卷成叙平生

湖山秋色尚盈盈旅鴻征候蛩鳴四角中心棋局總難平子野聞歌從宛轉緣底恨
訴秦箏 且呼歡伯課經程坐長更剪孤檠一任落花流水各縱橫留待曉風殘月
路重與弔柳耆卿

壬申暮春戴竹友太常邀孫伯淵觀察何夢華參軍饒春虎邱次竹友原韻

子鶴

歷落殘紅婪尾催流光敢信挽波顏不嫌靈運生天後

是日竹友欲同伯淵觀察往西山詩澄谷上人雨阻未果

終遣文君送酒來

幾輩英雄能說劍

一般蕭管且深杯夢中游境詩中畫許我傷春

看數回

時月御枝書在座

前題

琢卿

一雨殘紅花事催青山如夢髻雲顏烟波情味憐深淺風絮因緣感去來詞客工愁

詩當淚美人惜別酒傳杯也曾相送違兜路光景銷魂似者回

先一日借友人錢春蓮花兜

前題

蘋洲

環谿罨畫暝鐘催草草春歸夕照顏雙漿烟波搖夢去一天花雨送詩來扶頭人影

迷鐙蓋婪尾香痕落酒杯若許狂奴陪末座兩行紅粉看齊回

前題

春亭

聽罷花奴羯鼓催水晶簾外夕陽顏一船酒氣圍春住七里香雲釀夢來辭客笑拈

紅豆子膽娘勸舉碧霞杯杜鵑啼徹山塘月遲我吟魂冉冉回

前題

寶蓮

迴紅轉綠遍相催烟景猶韶興已顏萬事驚心成一瞥三春彈指會重來年華荏苒

供詩料人境蒼茫付酒杯賴是黃鸝聲喚住破空仙夢費遲回

高陽台

贈徐小娥柔珠

問槎

倩影秋清珠光夜映年華碧玉盈盈纖柳腰身柔條未許藏鶯憐伊多少輕顰意鑄
蓮花難懺蘭因最牽情一闋歌成一座春生 從今好入逋仙夢見香浮綠鬢酒澱
紅裙半面含羞低低款語銷魂門前片葉仙舟去認漁燈照損青萍記分明樓角簾
旌有個金鈴

綺羅香

贈錢素越校書

素萼藏芬幽芳吐豔花意被春烘透嫁了東風尚怯將情輕逗露衷臆教我銷凝問
腰胯因誰減瘦費調持月滿窗紗照人立遍曲闌右 添衣還問寒否無限慙癡破
飲拚傾醇酒挽得迴腸結出相思雙扣怕辜伊嫩蕊嬌香好待爾雪前霜後且商量
老我柔鄉幾夜聽蓮漏

東風第一枝

贈錢秋婷校書

露冷凝紅風淒泛白傷心人似秋色殊姿恰擬花容雅韻却嫌妝飾含顰不語抱無
限難傾衷臆早今朝恁苦相思悔煞當時相識 誰堪訴迴腸百褶欲斷柔香一擲

幸伊酒後燈前費盡幾多憐惜嬌紅溫玉聽調笙何妨竟夕嘆商量要我遲留沒計徒成快悒

贈劉馥林校書

采春年小占歌場矮婿何嫌列比房寄淚綢繆連約後卜歡覩覩盡餘觴聞情私館同心結並坐微聞竟體香頰上紅潮耳畔語還羞姿藝冠羣芳
驀地矜莊避太常憐才青睞泥踈狂數錢愧學河間女對客翻歌陌上桑手撥子絃時歛黛話深午夜轉迴腸冬冬秀秀知難諱心諾今生可許償

觀奕歌贈岫雲校書

子愉

王郎高卧蛾眉邊玉楸夜冷天榆圓曉逢仙媿授真秘仙家奕譜今流傳乃知此事推中輞今日淵源誰第一家住吳王舊築城苔華小印署雙名纖腰曾作啣釵舞窄履真堪上掌擎性耽靜妙通琴意別有圍棋稱絕異自取桃花舊譜翻閒將玉帳陰謀寄尋常落子無容心必逢勁敵方凝神纖瓜頻拈聊反覆眉頭商榷更沉吟是日幽窗淨如沐花下雪獨剛睡熟作勢同誇拓地雄鉤心欲展通盤局須臾故設鴛鴦陣犄角緣邊如不進忽地靈犀一點通夫人城外軍聲振欽袖從容喚醪醑自言淪謫恨風塵人間得失都應是欲取元機証道心我聞此語三嘆息自古千回萬回想祇有收場一看難男兒多少無顏色怪得紅顏覺悟超早將成敗付無聊若隨謝傳

東山去綠竹中年感亦銷

癸酉暮秋自淮上歸閩門程韻荳明府丈邀同陳樵溪孫杯湖管靜山銀杏樓
雅集卽席作歌呈韻荳丈

霜色滿淮陰蘆花瑟瑟鳴西風三日夜沽酒下蘭陵醉裏惟聞擢歌發推蓬又見吳
山月先生喜我天涯歸呼致高樓縱心魄高樓斜枕闔閭城莫釐山色青稜稜菊花
未老潘郎鬢桑落先調宋嫂羹六載辭鄉苦相憶風景依稀不殊昔面目何堪對綺
羅湖山况復客裙屐須臾月出臨前席檀板銅琵琶聲轉急變作伊涼激楚音自起悲
歌拓金戟忽憶韓侯釣臺下帶劍橫遭市人罵一飯難酬知己恩千金未滿男兒價
爾際言愁始欲愁青衫紅粉盡回頭料杯重為翻金縷星斗一江風露秋

無題禁體和韻荳原韻

西溪

龍腦燒銀榻鰓鬢織畫廉屏廊通竅霧閣隱簾囊橫鏡球描黛粧梅額點檐嬌憨
憐影劇羞澁溜聲纖豔詫魚臧藻寃虞驥駕鹽趨巖說蛩蠖倚檻對鴛鷓綠綺眠調
瀑紅絨嚼繡縑結辭瓊珮解攘腕麝熏香愜悵增宵燭蓬腮感曉籤夢縈雞唱斷懷
割藕絲黏憔悴釵離鳳歲筵鎖蠶蟾憑誰傳語語猶憶執摻摻雲氣常迷楚仙蹤欲
問巖時真憐隙過期漫誓淵潛響得霜鯨鯨應傳寧野鴨嫌裙留拊掌縹緲貯瘡腸廢
詎識銷魂賦還題彩筆淹庭華欺翠袖嶺雪逼蒼髯約帶腰圍減開圖體貌廉澆愁

幾斛酒經宿醉懣懣

情韻蘭外史寫月卿小影

錦城生

桃花如笑柳如顰霧鬢雲鬟窈窕春
簾押幾聽鸚鵡語鏡臺新點鷓鴣塵
垂垂情緒疑相訴濯濯丰姿倍有神
絮果此生能悟徹慵妝留待畫眉人
不教輕蕩任東風萬縷柔絲縮素衷
溫潤性情歌比玉娉婷格調賦驚鴻
十三彈學瑩篔就尺二腰旋楊柳同
愛惜春光休易放幾聲啼鳥百花中

花朝雜感有寄

小孟

雨絲畫舞禽聲亂聞憶好夢於既
寤話躡青於未晴言愁則楊柳樓頭
羞病則海棠花底小紅嫁後燕子年
年萼綠來時梳花叩叩有懷必怨對
酒當歌燕香燒蠟夜深眠鞦夢心
情鎮自憐初滿蟾光清似水漸長
駒影靜如年風吹青草酥魂日雨打
梅花小病天不向眉尖勤畫筆空勞
京北鬪嬋娟

玉樓身屬判花司心字何曾禱所
私留客綠楊春到後惱人紅豆雨
多時一朋鸚鵡杯中酒十里琵琶
絃上絲此日東風太狡獪吹將花
信社公知

半竿日影烏嬉晴酒裏風前証夙
盟贈草癡情真似我問花心緒又
干卿藥籠骨相悲金屋紙筆頭銜
署玉清剩有風流劉碧玉不曾學
得弄蕭聲

折花零落小墻東綠鬢慵妝插未
工剩酒應酬蘇小墓深恩空拜上
陽宮蹉跎春恨

留金粉收拾香魂付玉驄料得郎君重躑躅芳塵一路夕陽紅
春風黯黯落苔衣嫩白酣紅樹影稀仙塚鴛鴦愁玉化雪籠鸚鵡泣環肥君恩似水
流難住妾命如花夢欲飛曉起倩痕憐寂寞艷情和怨譜妃稀
高燒絳燭酒初酣慘綠愁紅總不堪釵釧銘恩留硯北琵琶彈怨到江南旗亭雲散
遊人騎犂并春眠少婦蠶最是璇閨無一事香塵不動畫奩醺

黃昏榆社醉醱醱月影篩窗細細移不奪朝雲歌宛轉太將春草怨分離渡頭舊夢
思桃葉江上新聲唱竹枝曼睩蛾眉無賴甚自將心字祝香司
銀甲彈箏撩鬢絲夜深敲斷玉參差闌樓痴燕題詩日遼水啼鶯破夢時紅藥開殘
無別贈白楊飛去又相思休教牆外飄零甚珍重三平舊柳枝

卽席咏舞

情耕

戚里多環身背鏡傳蘭語銅龍燭畫樓起作連鞞舞瘦骨飛素雲珮玉鳴秋雨么鳳
戲仙桐心香一絲舉蛻夢隔紅椒鶯衣剪金縷喚起鯨客魂曼聲歌白紵

題樓素娟影梅圖

蒹樓烟借山眉碧瘦影踈疎裁鶴骨羅屏縹綠護香魂古龍夜抱琉璃月遊仙夢繞
雲母寒美人玉佩鳴珊珊珠江春淺石籬暖曉風吹落星闌干

庚午夏始識小鶯製句奉贈

鐵巖

綺閣春歸素艷生無心却許過雲英雙鬟賭酒鴉離近一枕遊仙蝶夢清眉宇留青
非強笑心期欲白是柔情酒醒百慮消應盡靜對花間試語鶯
莫笑文魔太瘦生等閒不數美如英靈旂風捲鞋聲細碧崑雲收眼界清若許殷奉
無別語為傷落魄有同情支頤端坐霞流頰花信初通二月鶯

癸酉秋集小鶯齋中酒闌感舊

凝睇盈盈掃俗氛蛾眉斂翠暈雙文吳閭花霧紅於染盈朶新藍領一軍
羅敷仍采陌頭桑妄想癡癡笑我狂亡是閒談烏有共小姑至竟誤彭郎

贈尤校書浣芳

記昨江南草長送客山塘畫楫紅燈清歌侑酒時則尤家浣芳在焉浣芳居
隣虎阜性耽恬淡明窗淨几惟喜玩弄筆墨以故多不為人知後獨為船山
太守訪識欣然意賞曾手書選夢樓顏額贈之從此稍稍有知之者然率皆
以豐纖眉頰見稱而又不一及其絲竹歌音之妙恒使淡懷佳韻寂焉無聞
知音者稀良可惜也余嘗有句相貽然亦不足以盡其意度之雅况風塵逐
逐頻事奔波選夢樓頭過訪亦復甚寡黃花初放適程君韻篁郵示尺素且
告以續編吳門畫舫欲使珠圓百緋搜輯無遺劄劄將成囑增題詠始欲無
語實莫副友朋見注之深爰檢舊詩用附搜採自顧微言殊不足珍月旦然

或者俾芳音無獨抱之寂而得藉以不自選夢佳題當亦作者之深意爾
枇杷花發柳吹綿燈火山塘鬪麗天盡_去有繁絃諧脆竹新聲總讓紫雲先
生生梅子翠眉顰似水磨腔入耳新記取雨絲風片裏綺紋綠縐一江春
鶯語廉纖選夢樓偶尋芳草此停舟有人倦眺湖山好一卷斜欹伴麝篝
生擁牙籤白日消有時拈句自書蕉青泥續入蓮花記應比西川萬里橋

題邵校書素筠小影

臨芳生

明珠朗潤玉精神月魄梅魂伴此身人靜綠窗香氣暖伊誰低語問芳春
一點幽懷難自遣無因得近玉嬋娟半鈎淡月吟魂冷夢在梅花何處邊

題素月小影

玉立亭亭秋氣清月當三五正盈盈素心自有同心契記取蘭言贈逸情

緜秋之新安舟次桐江為素月作繞屋梅花三十樹月明林下故人來圖筵却

寄囑題以贈

錦城生

載酒同過史鳳家新鶯嬌轉座飛霞樓頭郁郁流黃幕天際珊瑚萼綠華笑待書生
矜破格欣逢韻事興彌涯畫圖留取春風面小坐桐陰數落花
風笛離亭悵閨悵片帆歸去掛從容懷人轉憶人憐我望遠應知遠念儂莫共清癯
梅影瘦只圖圓潔月華濃重憑周昉傳神筆抽出情絲為綰蹤

纔看滿月出梅枝凝睇憑闌目不移欲訴相思向誰語未諳離別只君知紫雲曲裏
聲來慢白玉堂前睡去進翠羽無教驚客夢羅浮有路任追隨
江路迢迢繫客舟計程今住幾灘頭雪深高士何曾卧月照離人只合愁小倦懶將
開玉鏡夜闌贏得寂珊珊鈎相期燕子初來候珍重春宵話繡樓

卽席贈素娟女史

柳溪

纖指柔荑捧玉鍾霞昇娟靨暈添紅歌因病怯聲嬌軟占斷桃花扇影風
輕衫窄袖最風流雲髻新籠金粟毬艷到醉容燈影下更教明月照紅樓

畫舫續錄投贈下卷

吳下三蘭曲贈杜幼蘭楊雅蘭朱靜蘭三校書

麗農

吳下美人都愛蘭，
菡蘭庭院春風寒。
心花意蕊不知數，
茗華小字留人間。
其中三妹最嬌絕，
以蘭為名比蘭潔。
碧玉年華知者稀，
綠珠才調猶能說。
一妹杜曲誇清揚，
珊珊能舞金縷裳。
繡簾畫下青瑤房，
櫻桃花底吹寒黃。
一妹樓居迥絕塵，
樓頭山翠雙蛾顰。
娉婷合署掃眉匠，
繡藉自是餐霞人。
為我一歌吳白紵，
柳花撲袂悲青春。
一妹嬌小顏如玉，
鞞袖欹鬟看不足。
窈窕雲中月吐華，
畫屏秋夜移銀燭。
三妹並秀在一時，
交枝互葉香參差。
臨風一笑知何意，
欲結同心却向誰。
我泛江湖苦憔悴，
秋來羞攬騷人佩。
蘭兮蘭兮宜自愛，
切莫教榮儷蕭艾。

霜天曉角

西湖寓樓懷雅蘭

浮黛如眉對他空，
百杯可惜湖光似鏡偏。
少箇小妝臺，
徘徊雲水隈。
乍聞秋雁來，
露底一叢涼菊爭得向鬢邊開。

雙紅豆

贈高校書漱月

娛谷

意難禁夢難尋，
剪盡秋燈暝色深。
有誰知此心，
淚涔涔漏沈沈。
一滴芭蕉碎一心。

黃昏又至今

燒鐙曲題於慧卿河樓

半亭

隱約朱門按曲聲
銀花火樹五雲生
須知月夕兼鐙夕
四照花開不夜城
花前紅燭倚瓊簫
吹入春風卷幾條
一道香塵何處起
月斜人影下平橋
卜璽傳柑酒滿盃
夜涼樓閣月模糊
子胥不在靈夫去
絮語喃喃拜紫姑
錦幃重重跌夢聯
碧天何地更游仙
美人故自褰珠箔
笑指紅鐙勝去年

催粧詞戲調星界

杯湖

湘管題成却扇篇
蕊宮佳處夢遊仙
帳中霞影鏡中月
現出鬢雲第一天
前令篝熏鄂被紅
都梁晨霧引瓊櫳
好將怨月瞋花意
收拾心香片語中

卽席贈朱紫香校書

逸峯

紫雲聲價壓江東
身住華鬢第幾宮
我是情天狂杜牧
樽前休唱小桃紅
銀泥裙子綠雲鬟
桃葉蘭橈打未還
他日買田梅冶住
與卿飽看六朝山

題沐小蓉白團扇

安棧

格院清陰翠幾重
北窗幽夢鎮惺忪
自携紈素閒階立
勾引一簾花氣濃
斜臨璧水影雙雙
風靜輕搖玉女窗
戲撲流螢燈畔走
燭花一朶墜金缸
讀遍相東八字詞
夜深製曲付紅兒
最宜消受清涼福
芸閣輕羅月上時

壓住輕雲冷襲衣竹爐迷夫暮烟微侍兒一曲山香舞花影吟魂欲共飛

將之西泠留別靜蘭女史

蛾眉生小住江東燕尾妝成別樣工天上瓊簫吹子夜渡頭錦纜駕春風草生夢境迷離碧花落愁城慘淡紅幾縷遊絲渾不着曉來飛滿赤闌中

種得芭蕉障幾重向風揉碎綠惺忪偷行苔徑弓痕淺倒插花枝露蕊濃十里前溪歌阿子一聲河滿喚愁儂梨雲寒食東郊路腸斷蕭郎別後踪

相廉人靜月如鉤紅雨春深燕子樓翠綠眉烟攜黛盡香溫臂玉哀蘭篝燒殘釵股卿奚事瘦損菱花我亦愁月戶雲階空寂寞一庭疎影欲生秋

瓊思瑤想擘蠻箋宮體吟成艷可憐玉樹冷風搖屈戌垂楊新月挂秋千纏頭隊裏無紅線殿脚行中有絳仙底事愁多緣命薄三生悔住有情天

贈戈校書二娥

絳花生

部頭絃索舊知名花骨雲粧太俊生不信巫山全是夢藍橋今日見雲英紛紛花落舞山香腰鼓纏身翠袖長他日瑤宮作仙史替卿端正白霓裳

海棠三律有贈

買得江東大小喬絳雲一縷護瓊霄捧花縱酒憐今日聽雨燒燈憶昨宵解語燕歸綵彩綠浣紗人泣濕紅綃阿誰樓畔攜蕭侶檀板春風唱綠么

華容婀娜近闌干捲上犀簾鎮日看盼斷春風歌緩緩翩何仙子步珊珊輕敲琥珀
痕難補淨拭燕支露不乾願寫綠章封事奏二分烟雨一分寒
釵梁聲斷赤城孤舊藉華清奉紫姑花骨零丁烟外瘦春魂宛轉雨中蘇碧雲日暮
愁深淺紅樹江南夢有無解識玉臺工艷體漫勞仙管架珊瑚

子夜新歌

養素

對鏡理紅妝顏色幾時好多我夜合花莫種將離草
開門採紅芙蓉背人擲郎手上有並蒂花下繫同心藕
同心結何處三五晚晴天二八月將缺三五月將圓
高髻縮盤龍一碧紗窗曉龍內翠鸚哥聲聲春吉了

效玉臺體代小筠寄花儂

夢白

桂棹沂蘭渚南浦傷如何衆山淨無唾江水淥不波長亭三五里楊柳春風多請君
為楚舞我亦為楚歌

溝水自東西浮雲自南北君來燕子飛君去櫻桃熟相思腸九迴采蘭不盈采指日
誓猶新夢鞋懽未續登樓望歸舟幾誤金錢卜

仙居渺何處未樓十二間娥娥紅粉女華容芳且鮮樹栽連理木爾看同功綿遺光
佩鷓釵儷影薦為蛩蠶贈以金縷枕報以冰絳纏與子期何所夢斷青溪烟蘭灰心抱

靚蛾老口銜絲結言終始固末路托遠辭江南二三月草長鶯花時綠苔暗行跡羅綺不自持妾心卷菴草君情朝槿枝

南歌子

贈王校書月琴

韻蘭生

螺黛顰眉淺鴉黃覆額輕錦箋亂疊墨縱橫學寫蠶眠小字署珠卿
柳外全飛絮
花間尚語鶯愛吟紅豆問何名話到相思二字已含情

青杏子

代雅蘭贈別麗農

子愉

花雨濕銀鈎關情處繡閣風柔珠簾十二深深掩一襟幽恨瘦因郎瘦羞為郎羞
嘶馬板橋頭問郎去何日重遊以後相思無別語願郎牢記綠楊門巷小小紅樓

遣鶯曲為素香校書作

小孟

芙蓉樓上飛花繞珠簾寶鼎燒龍腦深夜安排玳瑁筵雲窗霧門深窈窕十齡生小
墮勾欄十四梳頭舞玉盤已歷風花千萬品弄蕭自喜引紅鸞夫婿梨園第一流暮
雲春雨遏歌喉樂府但傳雙進酒愛河莫誤兩行舟桂花天半銀河夕桃花塢外秋
烟碧向住湖田對虎山今來重卜迷香宅酒痕眉影可憐生花拍琵琶記曲真判府
自填莫打鴨郎君新譜喜遣鶯我亦當年阮嗣宗壺前醉倒大朦朧縱持泥絮禪心

戒可奈江郎豔體工

洞仙歌

本事贈慧卿

七夕生

瑤階如水正初三時候眉月彎彎背人拜怯宵深露冷暗換羅衣遮半面剛被碧紗屏礙
晚人嬌軟態繡罷妝餘慣有閒情鬪金綵愛結髻同心拗起花枝只合與丁香伊戴怨迷路劉郎太緣慳等飯熟胡麻鶯啼無奈

柳梢幕霧人立昏黃分月影和花過金井鼓樓更漏轉蝙蝠新涼飛撲菽絡角門邊
悄靜一簾霜氣冷羅襪歸來膽怯鸚哥夜深警情緒
怱怱第一鴉鞵要仔細青苔露瑩便月影花枝溜窗櫺只忖鶻鶻鈴飛過牆杏

碧河亭上鎮日無人靜閒看蜻蜒立簷慢手把團團扇點淡秋衫糊塗了也懶懶開
箱換刺桐金井院立盡斜陽甚事傷心凭欄畔早是怯秋來那禁蟲兒恁又盼蕭郎去
逸試看取簾前燕子飛便秋去春來別離應半

怕伊憔悴未到銷魂候學作片時冷淡爾想金猊殘後鴛被寒時也應道夢裏呼儂
小字莫話分離苦今夜分離前度分離彈指事憶赤玉欄杆鴨綠垂揚指點第幾
紅牆是併兩槳重來問蕭娘看團扇留題可曾捐未

碧雲垂地烏鵲簷前噪下卜金錢遠人至恨淚花乾後開口言時還縮住把別語和

伊試鶯啼紅杏老春倦剛醒撩亂心情易容醉又月上花梢未鳥窗邊曾記得盟
香如水縱歸去深宵侍兒知只當是書齋偶然猜字

半竿曉日惱黃鶯啼起驚破春眠鳳釵鞞似這般怯瘦一點眉山春閣住怎禁得閒
愁鎖早知離別事冷淡些些此日心情轉應可憶明月前宵唱到吳娘翻悔煞一
鐙並坐看飄泊章臺柳花多便萬種離愁卿曾知我

浪淘沙

雲間旅館憶新蘭

銀燼別鐙殘羅袂生寒勾人絮語話更闌說到傷心離別事背立欄杆 鴛枕倩郎
看破鏡分鸞惹人惱處教人酸蠟炬他時灰死後儂淚難乾

多麗

贈別

碧霞子

珠簾側蕭郎曾駐銀騮倚闌干笑看牛女河橋碧水如油按清歌梅花小弄二分明
月夢揚州燭底藏鈎花間鬪草暗將心事眼波勾話到了分離故事笑壓已生愁君
知否亂鴉晚照作起深秋 縱只是臨歧灑淚回不盡水東流繫西風分飛黃葉蘭
橈三板下平洲寄語江潮送儂歸去也因離別暫淹留怕卿愁綠楊未折早早話重
遊休回首今宵風雨夢斷紅樓

戚氏

憶舊

月飛光河干此夜折垂楊半壁秋蛩幾聲漏鼓促歸航淒涼送橫塘艱難盡處只神
愴回腸萬轉千折道聲珍重板橋霜風也雨也紗屏纔暝酒醒夢短更長問天邊皓
月簾底飛燕怎箇商量 牛女隔水相望鵲曉怨別有意駕河梁况卿自佩囊親解
團扇攜裝墨三行書記小字猶香孤雁早晚回翔為傳信休說愁顏道是翻勝平常
南浦移蘭漿銷魂幾度草碧堂汪此後風敲窗響只窺人冷月上紅牆那時紅淚
青衫臨歧離別形影猶然兩到而今空勞夢想曉鴉起曙色烟蒼暮燕歸別院昏黃
莫回首白玉錦為堂揚州一覺三春舊恨付與東皇

答孫杯湖

秋臯

鶯鶯燕燕攪愁眠真是人生號可憐絮果癡情如昨日風花小劫已經年悲歡不脫
塵中縛仙佛同居色界天願得此心修淨業一窗竹影靜娟娟
華髮倘有惜春司願訴情天兒女私鸚鵡樓空人去後海棠花落燕歸時春風紫陌
重三節夜月紅筇第五絳水面浮萍風裏絮一般心事兩難知

重過貯香閣題壁

漫將消息問春人翠水無波湧赤鱗蕉夢尚虛尋更誤夜光雖貴至無因定情繁掾

才華減善病維摩骨相屯身見瀟宮仙筆吏拈花散作幾家春
藥欄花氣散氤氳虹雨毒風草半熏瘦盡燈花憐子夜飛殘柳絮泣朝雲芳源有約
尋漁父桑陌無言謝使君重憶碧桃花下事麝丸和淚寫羊裙
不為禪心斷愛癡夢闌偏在好春時空花現影纏塵縛香繭同功攪亂絲一水傳情
通尺素寸腸無地貯相思篋中十斛新紅豆我欲摧燒拉雜之

有贈

深夜生憐病起妝琵琶方罷又添香海棠着雨紅霞暈團扇經秋翠袖涼贈酒溫柔
張住住可人風韻李當當愁多未解聞吟詠問我唐詩字幾行

巫山一段雲

贈蘭珍女史

小孟

風靜蘭香院雲迷絳樹烟睹歌審酒夕陽天日日虎山前
小草經春活楊花着意
憐助婚辦得阮郎錢下界贖神仙

採桑子

山塘曉渡

子愉

水晶簾捲棠梨院曲折房櫳淺淡芳叢雨打桃花滿地紅
宿醒未醒春情倦昨夜
晨鐘昨夜東風夢到紅牆第幾重

菩薩蠻

再簡麗農

銀鐙市上香塵滿
梅花簾底深深見
深巷小橋通
兒家東復東
尋花鞭影過
問柳青驄駐
春晝莫嫌長
歡情長更長

賦得輕羅小扇撲流螢

絳花生

剪出秋雲樣
輕羅障畫屏
最宜攜小扇
偶爾撲流螢
掌上團團月
花間的的星
衫兜金錯落
墜響玉瓏玲
誤墮銅荷燭
微搖絳索鈴
露凝三徑白
光射一丸青
珠采囊中碎
苔痕履迹經
宵闌歌夜度
豆火尚餘螢

賦得秋露如珠

箇中生

露重秋涼夜
離羣繫所思量
來盈斛影憶着
暫圓時
小大陳荷蓋
纏聯貫柳絲
沐恩應共渥
投暗亦隨宜
合浦無還日
鮫人更泣誰
草頭虛富貴
花貌警丰姿
夢破三更早
腸穿九曲遶
海棠渾未睡
滿地濕胭脂

集蘭亭詠時在仰山

時當至日歲暮懷人因浪迹之虛遷致蘭言之相寄亦既有感斯悲每懷無極者矣至若風流錄事懷春少年情與水為同流言若山之長在惠然同坐室有天游舍已相臨日長人倦此豈事外者所能知也於是絃隨曲激清端

暢引天風鶻帶情流合坐大生春氣同遊於崇林峻宇得得臨風相期於竹
靜蘭幽亭亭映水人間之樂有若是哉自信為歲歲年年終當同老生生世
世永無盡期不知樂極者悲自生文齊者時不遇畢生之託未終無稽之言
已作以致風信不時游絲無迹或者猶目為自取云今夫知遇者人也作合
者天也相感於形迹之外者情之至也若斯人者外不合於時世內已悟於
靜因或寄清虛之天或遊少室之嶺事未可知當此遷流感悼之人將無以
樂生矣今日者地殊天老水有長春年盡歲遷山臨大仰因激言情無次之
懷放攬在昔興悲之作既已集為長言亦不可無短引雖列諸坐右大人者
當有異言或寄與春風有情人同時一痛

相將終老曾言及九日為期迹未陳化宇足娛文與可情天盡託管夫人幽閒自信
能同死觴詠嘗嗟不當春今日浪遊悲異地此生後會慨無因

春初惠寄臨流管短引長言趣向同曲曲浪文將化水絳絳蘭氣不因風時隨世異
情無盡地與人殊興未終竹嶺幽亭閒水日感時極目故山崇

風外也曾因楔集閒亭一曲暮天清每懷昔日同遊盛終抱今生未足情惠水有人
期樂死仰山無地託長生或云放誕殊無取隨在蘭言坐右盛

同人遊攬因長至九九觴春又一年靜興有時聽水樂虛懷終日引風絃于陳清察

猶閒放。感信賢能樂左遷。盛世可無悲。老太古。今知遇。或天然。
終歲不聞嗟。向暮暫時形迹類。宜幽一生九死人。間事萬嶺羣山。世外遊未老。情懷
隨地感。無言春水帶年流。竹林昔有諸賢。寄盡日清觴。得自由。
清風朗日無人管。會感蘭因引興長。虛左每期陰作合。倦遊無異己。同嘗諸天俯聽
言。猶在一水閒流。託寄將集得昔賢。春禊叙情文。悲悼可相當。

橫塘絕句

碧霞子

芳塘盪舟女。十五着羅裳。故攀江菡萏。遙看雙鴛鴦。

女兒酒

畫舫飲酒甚醇。詢知為山陰山兒酒。因得垣歌。

娛谷

女兒十六銀莖篋。山採箬歌轉喉歸。來數錢酒壚上。春山漱瀝槽。波流少年青玦。
遺壚頭醉死。烟花卅六樓。姓名傳入酒城去。玉面蕭郎愁不愁。

擬訪朱紫香因雨不果

天宮

日暮鼓銅琴。金颺蕩空音。美人隔南浦。蕭侶悵雲岑。微雨發幽思。折麻多悲吟。低徊
竟送夕涼露。濕蘭衿。

匹馬還鄉歌為王問蘭校書作

黃龍鎮頭秋草荒。狂沙撲地天茫茫。紅顏一騎去如箭。千里吳山眼中見。借問紅顏
出誰家。烏衣門巷嬌如花。十一當窗織練素。十三阿母教琵琶。琵琶可憐聲愛作邊

頭行如何晉祠水忽照江南人江南迢迢未言苦郎君能歌妾能舞祇期歌舞長青
春中道忽遇鴝鴒鳴朝聞鴝鴒鳴郎君蹙蹙出門去暮聞鴝鴒鳴驅妾空房淚如絮
淚下不可止郎君致聲至我且不得歸卿可自為計推肝搨肺燒檀槽是時月黑風
騷騷起視樞間有駿馬壁間有寶刀繫我繡羅襦脫我金步搖佩刀出門野蕭條磧
中走馬狐狸嗥月出瞳瞳不知曙逢人只問江南路妾夢何堪問綺羅郎恩迴首沉
雲霧敲鐙下蕭關汾河水不瀾雲鬟鞍上月珠衩馬前山去日鶯花悲遠別歸來鸚
鵡賀生還登堂拜阿母阿母喜為妝釵環迴頭見姊妹姊妹各各言辛酸舉帷對明
鏡不識舊容明鏡顏解我腰間刀啟我新脂盞理我紅絃絃彈出關山曲忽作飛蓬
捲石聲馬蹄躑躅悲風蹙吁嗟子荀灌披重圍木蘭樂長征王顏蕙質親風塵王姬
王姬豈其人余亦短衣驅馬去十盪十決屠鯢鯨

贈未紫香枝書

箇中生

橫塘草綠曉啼鶯七寶香鞭護六萌烏桕村邊曾緩緩碧雞坊底又盈盈一鬟釵影
花前酒五尺簾波月裏箏閒與瓊窗談絮果桃根桃葉是三生
柳枝生小記瀟裙鴨背情漪欲化雲鏡裏螺痕春爛漫坐來花氣夜氤氳達人玉樹
含愁唱為我都梁着意薰便是青衫易惆悵白頭他日為文君

題影梅圖

春痕刻畫最高枝，嚮榻無煩素手持。處士湖邊香滿日，美人林下月圓時。孤標偶托霜毫見，幽夢偏無粉蝶知。乍許青蓮回幻相，肯隨紅豆著相思。

拜月簾櫳不隔紗，曲闌低亞興偏賒。誰吹黃鶴樓頭笛，譜出江妃鏡裏花。午夜銀燈碁子落，凌波羅襪縠紋斜。芳魂總被嬋娟誤，芍藥蘭香悔出家。

不誇嫵媚不矜香，臨水盈盈照玉塘。庾嶺心旌懸落月，羅浮仙侶駐斜陽。奩前敢望迴腰舞，雪後爭看點額妝。空谷牽蘿人絕代，卜隣常傍綠雲鄉。

曙星耿耿玉繩微，草綠裙腰似是非。柳葉雙彎阿曉黛，菱花七尺試春衣。詩摹空色唵難穩，畫擬黃徐筆欲飛。紙障卻風春睡起，水晶簾外淨朝暉。

蘭溪道中感素珍病耗兼簡

七夕生

當年公幹太情癡，更費陳思八斗辭。魚雁有心沈死誓，風塵餘氣儘生離。將醒夢逐蕉邊鹿，未了緣敲局外棋。茂苑海棠應似血，是儂花葉舊傳詩。

山塘晤王校書問蘭見其翠袖盈盈態，含幽怨詢之知姬新自太原歸并述往

來顛末余傷其過且壯其事賦此以贈

碧霞子

汾水雁初飛，紅妝卸舞衣。雕鞍新抱月，繡榻舊鳴機。路歎蘼蕪誤，歌憐松柏非。邯鄲游俠地，無奈故人稀。

為踐鴛鴦約，寧知道路難。妒真無瘡藥，弱恐竟鋤蘭。積裏雲鬟鬢，鞭梢玉臂寒。分明

歌出塞莫作大堤看

昔去傷油碧今來慰玉騮飛龍餘骨在畫虎舊恩休鷓鴣輸同伴鶯花洗別愁星霜
憐閱歷河母與梳頭

相見橫塘下櫻桃鏡裏紅腰支宜貼地裙帶欲隨風沙雨銅絃底關河柳絮中黃衫
吾舊事劍氣夜成虹

集詞絕句四首贈杜幼蘭校書

湘秋

疎繻皎皎月如霜銀漢雲情玉漏長檀板輕聲銀甲暖春風一曲杜韋娘

趙可 魏承班 煬帝 無名氏

略成輕醉早惺忪一隻橫釵墜鬢叢倚着雲屏新睡覺章紋如水浸芙蓉

毛滂 毛熙震 張泌 周邦彥

未經惆悵不知愁殘夢普騰下翠樓昨夜酒多春睡重日高花謝懶梳頭

于攸仲 馬洪 程垓 柳水

日西初見下妝樓烟外垂楊綠影浮閒倚繡簾吹柳絮不知飛上玉搔頭

于攸仲 王暉 賀鑄 嚴恭

集詞七律贈崔小英校書

魂是湘雲骨是蘭慵紅悶翠掩青鸞夢回鴛帳餘香嫩風入羅衣貼體寒星靨笑偎

霞臉畔雀釵斜壓鬢雲殘綺窗人在東風裡悄倚西樓第幾闌

高觀國 韓偓 趙鼎 馮延巳 和凝 姜夔 阮閱 周密

晚妝無力禪雲鴉金鳳搔頭墜鬢斜百結柔腸無晝夜數聲啼鳥怨年華玉樓冰簟
鴛鴦錦簾月梁塵燕子家早為不逢巫峽夢春愁畢竟有些些

程垓 張泌 蔣令女 僧暉 半嶠 蔣景祁 李珣 王紹

寂寂閒庭雨昨晴瑣窗小語雜流鶯繡牀斜凭嬌無那羅帶同心結未成空遣橫波
傳意緒慣猜聞事為聰明少年不識愁滋味相共憑闌看月生

唐世瀚 顧仲從 李後主 林逋 歐陽炯 吳偉業 章棄疾 馮延巳

襲香為素月女史寫桃花便面誣詿題詞鄙意有與小蓮事相悵觸為拈二絕

夢衡

漫憑根葉替排行相映黎渦水榭香容易東風吹過了為他惆悵憶劉郎
眼底新嬌看綽約眉尖舊恨記侵尋紅於人面濃於淚一掬春愁潭水深

小紅樓雜事

小筠女史所居之樓為故錄事蔣蒞香舊院小紅樓也重來燕子尚認畫梁
前度桃花猶紅鏡檻夢蘅悔士以平子幽憂之疾效樊川聊浪之遊既感前

塵輒成新詠用酬十索好倚雙聲

花枝缺處記名留十載樊川憶昔遊照到舊時明月色春風重倚小紅樓
一花楚國劇精神憔悴非關薄倖春結得同心難並蒂情天何苦種蘭因
醉墨重題舊碧窗費他紅袖翦銀缸銷魂難忘樓頭月三五初圓照影雙
解若微波有洛神驚鴻畧與擬從新鏤金枕冷蘅烟歇真抵陳思賦感甄
青溪持檝認枇杷根重叩枇杷花底門等是尊前漂泊意青衫怕檢舊啼痕
鶯老花濃春易闌深盟星鑿幾曾寒但期曉夢圓今後要並芙蓉鏡裏看

鴛湖舞絢曲為杜幼蘭校書作

子渝

楊花撲地春茫茫橫塘女士何丰昌詞客儘誇繁主簿佳人爭說杜蘭香杜家姊妹
神仙眷青溪最小尤輕倩掩面初疑萬喚難褰簾却訝三生見絮語房櫳護碧紗鴛
鴦湖畔是兒家分明第幾年前事如夢如雲付落花當時約記瀟裙節杏白新抽柳
新圻珠市羣呼索戲來語兒亭晚春雲熱緩緩油車度玉驄雙雙紅袖鬪春風皓腕
雪翻金跳脫輕鬟雲禪玉玲瓏繡額兒郎好身子曼衍魚龍無不有別有長繩拂地
紅彩竿左右排紛糾此時姊妹嬌眉嫵小坐垂楊弄金縷歛黛應憎舞蝶狂含情欲
共流鶯語半晌當場鼓聲急窄袖輕靴卸珠鞞攜手同於結束嬌近前故作遲徊立
東竿阿姊誇偃仰小妹先竿賭先上踏去都愁軟似烟行來已見平於掌霧鬢嵯峨
往復還步虛窈窕聲珊珊紫蕭有意隨仙史青鳥何時下玉壇一折迴腰梭亂織游

絲絡繞增惶惑雲際迷離退鷁翔花邊趨健飛採接撒手端然舞柘枝纖繩不動風
如絲彩霞自舉乘鸞翼絳雪無聲立鷺鸞墓地驚鴻輕一蹶觀者心寒面灰色一縷
情根恰倒垂彎環弓影懸新月下竿却步神閒悄願盼流光鬢烟裏就中阿妹嬌可
憐十三絃柱年華小一自征鴻過雪泥夢魂時逐綵雲飛誰家庭院秋千暮何處闌
山歌舞迷亦有通都推絕技杯盤妙舞都虛戲面目鳩荼刻畫難登場傀儡寧堪比
菱花今見舊雲英正是當年生小身羞向人前談夙藝琵琶搗怨太分明泊鳳飄鸞
卿莫訴紅顏半為嬋娟誤碧玉斑雕消息進王郎桂櫺秋風暮我亦江湖酒興闌怕
將舊事問間闌君不見軟紅多少珠樓路百尺竿頭退步難

聲聲慢

襲香為小蓮女郎戲瀉新荷便面出水娟娟未花有思為填此解 夢蘅

團團貼貼箇箇星星田田點點錢錢鏡樣波塘翠痕鑄出圓圓薰風乍吹不展步凌波
試倚朝烟新水闊愛低擎顆小啟冰奩 與訂心盟傾蓋有鴛鴦曾許翡翠先憐唱
徹迴波幾度夢繞香鈿相逢浣紗未嫁認羅裙猶皺留仙根抵小早絲牽不斷愛連
菩薩蠻

贈小英校書

曉妝樓掩絲楊亞燕拋雙剪簾波瑋香夢醒梨雲暈潮褪一分 桐花么鳳好飛上

釵頭裊淺立落花中春弓雙辮紅

南歌子

寄懷小蓮

醉淺初停盞寒輕尚裹頭鶯花不見也從休省得為他擔盡一春愁
徑靜生蕪色
簾開撲絮毬夜分時地控瓊鈎莫有東風吹夢出紅樓

沁園春

潭花小欄分詠
為秦月女史作

鬢影

妝罷文君為橫琴對春花最憐是花低香惹匆匆隔扇鏡明膏膩薄薄籠烟理處應
羞側時逾媚魂授迴波瞥溜先關心甚記畫屏隙見新貼雙鈿
支頤香近春纖慣
愁隱眉稍釋一偏愛微唵銙下搖隨寶珥潛窺簾底低覆山肩釵脚剛挑茶烟又裊
照水初飛展翼蟬慵來好任兒羅橫抹露一絲鬢

肌香

暖處偏深辨氤氳氣非花勝花試胸訶羞卸微聞發菽臂宮嬌褪初透纏紗手玉攜
温指尖熨冷酒力扶來頰散霞銷魂味儘尋常蘭麝沁骨輸他
悠揚逗出情芽轉
入握微參縹緲加記膚脂屬體沁融冰雪臉波膩枕洗過鉛華息是芙蓉薰寧豈惹
姊妹真能辨不差橫陳澹只聞根難斷又破摩伽

頰暈

宜喜宜嗔媚霞橫接桃花臉邊是嫣然羞重枕邊頻斷顏如怨薄鏡裏先傳睡思
騰冶情飛越漸逗紅酥一朵鮮迴眸避向耳根侵入生客曾嫌難忘却扇銜前更
卯酉初中淺醉先算生成膽小易緣事惱喫虛心細暗覺歡憐搵處愁消恨來怕損
越顯黎渦笑靨圓防人見向綺窗背面圖畫偷拈

瞋神

眇眇分明神光離合含情欲流記層波纔轉盈盈窺戶曙星乍注的的登樓媚視凝
烟端相點漆惹露靈光兩翦秋看如月有箇中桂影精米常留難傳阿堵風流便
平視教人不自由憶擲來筵上琴心暗許射從簾底別夢先勾坐遠相當目成頻逆
閃避迴銜隔幔羞垂青慣只偶然睥睨猜定心頭

卽席贈似蘭校書

韻蘭生

髻雲不動暈梨渦檀板聲飛酒欲波簾外碧桃春似海為誰低唱感恩多
銅琵琶過碧雲涼入破聲聲叫嫩皇笑把金樽重勸客落花飛滿紫霓裳

青玉案

贈靜蘭校書

相秋

破瓜年紀腰身細漸解得愁滋味解得愁時便憔悴陌頭春伴樓頭春思薦地貪春

睡曉來強整雲鬟膩花底低徊無限意瞥得郎來羞遠避背人偏愛紫羅囊上結
個心同繫

沁園春

指甲為小英校書作

靜對妝臺蓉粉挑來指尖細攢慣拈將絨索批開一縷展來花片刻箇連環斜托春
腮強支春困留得頤邊印幾彎春情遣把紅箋細研小楷闌珊調筆染就斑斑愛
閒撥桃花片片翻念閒情春戀碧橙初擘相思念切紅豆輕拈女伴相嬉笑呵纖玉
早把腰身縮一團未樓晚把瓜犀細剝消遣春閒

洞仙歌

題沈芷橋留春冊子

蘼蕪舊事儘低徊難據淚漬春痕澹無語便生花妙手寫到情深早知是一幅將離
圖譜為誰開過了廿四橋邊此夕蕭聲在何許倚檻問東風瘦影亭亭渾不似年
時情緒看帶露瓊枝不勝愁算幽怨惺忪霎時延佇

滿江紅

箇中生

續錄既成率填六闕

早識愁多應悔熬男兒誦讀說甚底蠅頭蝸角脰臃齷齪肉眼那知槽櫪驥蓬心枉
插風塵脚笑書生饒口過屠門涎空嚼搜園免惟糟粕鑽叢蠹惟邪廓到底是神

仙脉望幾時踐約艷福已將綺語折無能只為雕虫縛鎮中宵不寐起徘徊難聲喔
徑問天公又翻被朱衣叱咤遮莫有才臯詩客智囊書架酸澀蠶鹽殘歲計闌干首
着朝曦射算青氈老爾一寒丁休牽掛 頭出袴心難下蕭吹市喉先啞便啄得林
間腐鼠任他鷓鴣賣賦已拚調護拙驚珠怕聽艱平話只蕭齋明月尚親人穿窗罅
柳眼花魂枉費却閒愁重鎖幾見得金團眉壁繡團畫舸翠袖單寒艸艸夢心香孤
蕪空空我倘他年口業證情天泥犁可 也莫說絮蘭果也莫怨明珠墮問襲華大
千色界可曾真箇彈指須彌成小劫艷情幻出蓮花朵許青衫紅粉共逃禪枯團坐
少歲交游屈指數零丁有幾堪一慟邵平老去子安又死宿草已乾紅淚跡才人合
葬青山裏歎生離死別一般情轉移耳 瑕邱友今你矣西江客歸來否訝近日機
雲兄弟一寒至此薄命斷推吾輩最他鄉得覓棲枝未問風波多少別離愁長江水
鷓鴣聲聲暗顧曲心情減也空惆悵花前酬酒春前走馬滿地紅心吳苑草珠零玉
怨誰知者情淒涼賀老撥琵琶吾猶且 相思淚春潮瀉風塵面秋山寫最無那昏
黃簾黑宵闌燈炧月地雲堦仍一樣離人眼裏歡場寡儘風顛酒漢築槽邱顏難楮
清福難消只可惜華年虛度早温過七交七啟楚騷楚些風雪漫天門獨閉江湖滿
地人高卧倚危樓鐵篴唱關山星光大 也不用高軒過也不用泥金賀算文人三
生慧業本參上座立地現成仙佛果蕉緣幻夢何須作便些些世事且糊塗休猜破



國立中央圖書館



0432660



995

477

30.00